



partii naleraq

UKA2015/126

6.okt 2015

**Uunga siunnersuut: Aalisarnermut aningaasaliissutitut immikkoortitat pillugit Inatsisartut inatsisaata allangortinnissaa pillugu Inatsisartut inatsissaat**  
(Aalisarnermut, Piniarnermut Nunalerinermullu Naalakkersuisoq)

Aalisarnermut aningaasaliissutitut immikkoortitat pillugit inatsisissatut saqqummiunneqartoq Partii Naleqqamiit oqaaseqarfigissavarput.

Siunissami aalisarnikkut inuussutissarsiuutitta patajaatsumik aammalu ullutsinnut naleqqunnerusunik aalisariuteqarnissamik, aammalu tunisassiornermut pitsaassutsimik piunasaqariartuinnarneq takkukkiartuinnartillugu, nunatsinnilu aalisartortatta ullutsinnut malinnaasunik aalisariuteqartarnissaat pingaarluinnarmat pitsaasumik inatsisitigit sinaakkutaqarnissaa pingaartorujussuusoq Partii Naleqqamiit ilisimalluarparput.

Nunatsinni aalisariuteqarnikkut inissisimaneq qiviraanni sinerissami aalisariutit ilaatigut nutaanngippallaalersimasutut isikkoqarput, nutaaliussaagaannilu sapinngisamik aalisariutit nutaanngilisimasut atorunnaarsikkiartornissaat saneqqunneqarsinnaanani.

Taamaattumik isaterisitsisarnissami piunasaqaatit ersarissunngorlugit inatsimmik tunngavissaqalernissaaq matumuuna saqqummiunneqartoq iluarisimaarparput.

Aalisariutit nutaanngilisimasut isaterneqarlutik aserorterneqarpata ilaatigut piunasaqataavoq tapiiffigineqarluni aserortersitsisoqarpat taava aalisarsinnaanermut akuersissut annaanegartussanngortarluni tassalu arsaarneqartussanngorlugit soorunami tamanna aalisartukkormiunut aaqquissuussineq tulluanngilluinnarpoq.

Qujanartumillu inatsisissami tamanna atuukkunaartussanngorlugu saqqummiunneqartoq Partii Naleqqamiit isumaqatigilluinnarparput, tassalu aalisarsinnaanermut akuersissut aalisartumik pigiinnarneqartussanngorlugu.

Neriuppugullu taamaaliornikkut aalisariutit nutaanngilivissimasut sulilu atorneqartut kiisami isaterlugit aserorterneqartussanngussasut, nutaamillu ingerlariaqqinniartut pitsaanersumik periarfissaqalernerat, tassalu akuersissummik arsaarneqaratik ingerlaqqissinnaanngornissaat Partii Naleqqamiit iluarilluinnarlugu oqaatigerusupparput.

Kisiannilu aamma piunasaqaatit ilaat isumaqatiginngilagut, tassa aalisariutit isaterneqartussat ukiut marluk aalisarnermi ingerlatsisimanissaat piunasarineqartoq eqqarsarnartoqartipparput.

Partii Naleqqamiit ilisimavarput ilaatigut aalisariutit nutaanngitsut arlallit sissiukkani taleqqaannartut arlaqartut, ilaatigullu aamma amutsivinni amoqqasunik peqartoqartoq, tamakkulu aamma piginnittaat isumaqarluinnarpugut isarterinissami tapiiffigineqarlutik ikiorneqarsinnaasariaqartut naak isaterisitsinnissami piumasaaqat kingumut ukiut marluk ataannartumik aalisarsimassasut, taamatullu aporfissaqalerneq Partiit allat aamma eqqarsaatigilluassagaat Partii Naleqqamiit kammattuutigaarput.

Taamatut Partii Naleqqamiit oqaaseqarluta aalisarnermut ataatsimiititaliami suliarineqarnissaa innersuussutigaarput.

Hans Enoksen